

永樂大典

卷二千三百四十

永樂大典卷之二千三百四十

六模

梧

山川

梧州府。蒼梧志火山。在州南隔大江東南。延袤四十里。高九十丈。山常有雲蒸蒼蔚不散。嶺表錄云。火山高下大小如桂林獨秀山。有火三五夜見於山頂而不息。或人言其下水中有寶珠。光照于上如火。舊經云。守臣有政德。則火見其光。使有三足摩過郡中。有吉凶災殃。或使車將至。則先叫。嘯如有所告。郡人驗之。又云山之阿有神劍。南越王尉佗所藏也。故夜騰光焰如火。山產荔枝。四月先熟。元一統志。寰宇記云。火山下水澄。潭深無極。其火每三夜一見于山頂。嘗至一更初。火起。匪其頂。如焚燒之狀。或言其下水中有寶珠。光照于上。或言山上有荔枝。四月熟。以其地熱。故名火山也。唐沈佺期詩。身經火山熱。顏入瘴鄉消。胡長卿過火山。客有談嘉魚之美者。長卿詩曰。聞道嘉魚出火山。我來那得一鱗看。蒼梧志。大嘉山。在州東北三里。高四十丈。延袤四十里。按搜神記。扶南王范尋常養虎五六頭于

永樂大典卷之二千三百四十

一

山中。若人有罪。投與不嘆。乃赦之。因以為名。印山。在城北二十五里。澤山。在州北八十里。石乳山。在州西四里。蘇山。在州南八里。隔江。太平寰宇記。石英山。在州西桂江之上。生石英。下有靈泉。目置神祠。元一統志。金石山。在州東四里。吳時有道士牽牛渡江。語舟中人曰。船中糞。即以為酬。舟人視之皆金。目名其山曰金石。蒼梧志。通星山。在縣北。按方輿記。漢太守劉曜常登之仰觀。故名通星。寰宇記。夫雷山。郡縣志。鐔山。去城八十里。元一統志。石膏山。裴氏廣州記曰。蒼梧彰平縣有石膏山。望之皎如雪。相銅山。九域志。在丹城縣西。岑溪縣。古藤志。烏峽山。在縣西北五十里。係鋪路。峩山。都盤山。黃石山。佛子嶺。俱係石岩高險。強人所恃之地。大抵與靈山同。丁蘭山。在岑溪縣。山下有舊廟。曰木母廟。臨溪上。乃丁氏故居也。去縣五十里。鄉民祈禱即應。蒼舊相傳云。有碑墜於溪。漁者入水求之。即風雨晦。昔人有詩曰。里名勝母曾參避。應愧丁蘭在此村。可惜石碑沉水底。詩人不得細推論。郡縣志。蘇羅山。見九域志。古藤志。鳳山。在岑溪縣連城鄉。元一統志。秀峯山。去岑溪縣二里。山勢聳秀。高三十餘丈。周圍二里。輿地紀勝。盛山。在岑溪縣。隨化山。在鍾津縣昭州界。元一統志。七峯山。在岑溪縣。永靜山。在

岑溪縣。上有廟。來蘇山。在岑溪縣界內。

藤縣。古藤志。靈山。去州西南一百里。岩石險巖。路徑懸絕。數十圍大木。叢密如排。樞然。其山至廣。東接廣東龍水。南至高化。搖壁居其間。不事耕稼。惟以抄掠為生。自古肆為民患。今本州常遣人圍營守把。始無患焉。

四屯大犂。大任。楊峒。隨化。去州西北水路二百里。不通陸路。撞人居其間。憑持險遠。自古不通王化。元前惟設屯兵千戶。所以鎮之。然亦時復乘間出劫。千戶弗能制。又從而助之。近服。

天朝威德。皆入版圖。為良民。貢賦稅與中州同。東山。出還淳門。渡江東二里許。山高二十餘丈。蜿蜒秀發。為州左臂。上有李衛公祠。谷山。在州城西。去州五里。石人山。去藤縣還淳門南三里許。山勢峻峭。下臨深淵。世傳有龍在焉。州民水旱則禱之。龍驤山。去藤縣石人山南又三里。江東山。列數峯。清秀可愛。下俯清流。晉升平五年。龍驤將軍陳隱鎮是州。駐兵其下。故名。石山。在藤縣西。隔江五里許。高冠諸山。舊志亦載。即二尚書死所。有普韻帖木兒墓在焉。南山。在藤縣還淳門南二里。山勢頽奇。頂平如砥。有佳處曰杏壇。曰松崖。曰竹巷。曰芹澗。率皆清絕。可入郡縣志。隨化山。在縣昭州界。寰宇記。鈔穴山。陳王穴。吉水。皆在郡縣界。元一統志。羅慢

山。去鐔津縣四十里。高二十餘丈。周圍二里。其山肖羅慢。因此得名。羅山。去岑溪縣八十里。舊南儀州也。山有冷泉。飲者愈熱病。圖經云。形如羅紋。故名。雲蓋山。去州城四百步。銘穴山。在鐔津縣。寰宇記。陳天穴。吉水。皆在縣界。鉗鐘山。在鐔津縣西。有鉗鐘佛。因名。赤水山。在鐔津縣東。有赤泉湧出。因名。容州志。石梯山。在州南。僊儀里。其山下枕小江。上接峻嶺。石梯棧。往來行涉艱難。路通高州水險。人詳容縣。洞石山。在州西五十里。近江有鯉魚石。雙女石。其形皆現。禱雨良應。容州志。容山。其山在州西二十五里。舊經云。高五百餘丈。周圍廣澗一千餘里。山下有觀。遠廢久矣。郡縣志。連接鬱林州界。山有松竹花果。亦洞天之數也。容州志。都嶠山。都嶠洞天。在州南三十五里。高三百五十丈。按天下仙洞三十有六。而容得三焉。西勾漏。北白石。南都嶠。蓋都嶠山有八峰。曰馬鞍山。席帽山。香爐山。仙人山。中峯山。丹竈山。八疊山。堯子山。諸峰奇秀。亦號蕭韶山。以其山間時有音樂。南北兩洞。俱有石室。南洞寬坦。列浮屠儀像。北洞幽狹。鳥星壇八間。皆天造地設。中峰絕頂有岩。曰中宮院。斷崖斜進。下臨千仞。捫蘿而上。九異如常洞。名寶玄之天。郡縣志。謝廬山。在縣東八十五里。羅辨山。在縣西南一百六十里。元一統志。都寶山。在普寧縣西南一百九十

永樂大典

卷三三四〇

里。郡志讀音臺石山。在縣東一十五里。牛峯山。在縣西南二十里。元一統志南靈山。在普寧縣南二里。上有古壇。元一統志樓山。普寧志云。在普寧縣八十一里。紀勝同。輿地記勝勾漏山。在普寧縣。上有寶圭洞。內石室中有水。故老傳云。葛仙翁嘗於此山脩煉。丹竈石盆在焉。平川中石峯千百。皆矗立特起。周迴三十里。其岩穴多勾曲石而穿漏。故右以是名山與其邑。梳榔山。寰宇記云。在普寧縣。元一統志大容山。在普寧縣西二十五里。舊圖經云。高五十丈。周迴四十里。有觀曰蒸真。唐開元間。樵者見二人對奕于清泉茂樹之側。欲就觀之。則人蒸俱不見。今山之陽。石枰猶存。北靈山。吳元美記云。俗名真武嶺。在縣東二里。視之真靈龜也。天下峰巒巖石。若龍若馬。獅子之象多矣。然彷彿十得四五。獨此粹然逼真。願不異哉。帽山。在普寧縣西南。岑石山。在普寧縣。中峯山。在普寧縣之西南。牢馬山。在普寧縣西南。

懷集縣。昭潭志。挿芴山。在縣東十里。筆架山。在縣南十五里。元一統志齊嶽山。在懷集縣東北六十里。山勢峭拔。出於衆山之上。

鬱林州。鬱林志。寒山。在州之北二十餘里。其勢高聳。頂上有泉。其源深丈餘。下流至溪澗中。灌溉撫康。東寧。貴平三鄉田土。昔有一農夏月進山。

永樂大典卷三三四〇

三

知其寒冷如冬。因其名曰寒山。內有神祠。祈雨有應。宋理宗詔封寒山靈惠王。元朝至正戊戌夏五月旱。本州同知胡震。特以齋沐虔誠。禱于祠下。遂雨。公賦詩云。古跡寒山果有神。心香才藝雨如傾。三農鼓舞來相告。五穀豐登樂太平。歸附。

聖朝封為寒山之神。依期致祭焉。元一統志南粵王尉佗。遣人入山摘橘。經七日方還。問其故。曰。山中多寒。不得歸。故名。按西甌圖志云。大龍山。在南流縣舊所廢黨州界。形勢肖龍。故名焉。今屬鬱林州。郡志獨蓮山。在縣東一十里。上有池。中有蓮花。餘無所出。因以名山。元一統志寶塔山。在南流縣界舊所廢黨州山北。漸大狀有如塔。故名。西甌志云。郡志銅鼓山。在縣東南七十五里。舊經云。昔有銅鼓見此山。方而色赤。人取之而地陷。出水成灣焉。元一統志鬼門山。在南流縣舊所廢牢州界。諺云。若度鬼門山。十去九不還。世俗訛為鬼門關。謂車輪往來之地也。又云。以其瘴重。故云。王象之輿地紀勝云。本桂門關。而謠稱鬼門關。曾德載嘗作文辨之云。為謝往來荆廣。客棧門關在鬱林西。今屬鬱林州。蔡山。在廢鬱平縣。今鬱平鄉是也。元和志云。今入鬱林州。元一統志信立山。在南流縣東南二里。一名牢石。狀高數十丈。坡上有平石。又有夾石。形如鐘倒立。舊經云。每

歲秋日鄉人共候此石。若雲氣覆之。其歲木稼必登。今屬鬱林州。元一統志羅望山。在南流縣西。既志云。今入鬱林州。箱蓋山。在南流縣西。與他紀勝云。今入鬱林州。礮石山。在南流縣南二十里。今入鬱林州。太平寨字記漸大山。郡國志云。黨州山北漸大。狀如塔。故一名寶塔山。

北流縣。郡縣志。那山。在縣北四十里。那田井。舊經云。南越王尉佗遣人入山採橘。經七日方回。問其故。云。山中大寒。不得歸。後因為名。都黃山。在縣西北五十里。舊經云。昔有樵夫迷路。見五人黃衣戴黃冠。相共語曰。吾都此山。父之向山而去。因以名山。雞籠山。方輿記云。在縣界。石狗山。在縣西南三里。有石如狗。因以名之。風廬山。在縣西南二十五里。

盧樓山。在縣南六十里。破石山。方輿記云。在縣界。元一統志銅石山。在北流縣東南三十里。寰宇記云。山亦與陸川縣相接。有銅湖。出水銀硃砂。方輿記云。銅湖鯉魚石。狀如橫鯉。新婦石。狀如婦人。並與銅石相連。

陸川縣。容州志。東山。在陸川縣南十里。其山頂有巖穴。虛寒。下有清泉。歲旱。官民于此禱雨焉。元一統志。鳴石山。寰宇記云。在陸川縣。郡國志云。董奉死人見於鳴石之山。山海經云。長石之山。洪水出焉。山多鳴石。即此。峨石山。在陸川縣。以石嵯峨故名。寰宇記云。白石山。在陸川縣之南。

宋輿地大典卷二千三百四

四

山色潔白。四面懸絕。上有飛泉瀑布。下有勾芒木。可以為布。里人斫之。新條更生。取皮績以為布。太平寰宇記。帽山。山形如帽。故也。元一統志。鶴洞山。在陸川縣。上多野鶴。舊圖經云。在普寧縣之西北。與此不同。小容山。在陸川縣。其山迫闊無所不容。故曰容山。牛山。在陸川縣。方輿記云。石形肖牛。故名。太平寰宇記。金山。在陸川縣。昔人藏金之處。元一統志。不邏鏡山。在陸川縣。山多韶石。果味如荔枝。但人謂不邏鏡山。蕭韶山。在陸川縣南。頂有古臺院。政和重定。九域志云。嘗聞音樂。因名。郡縣志。石寨山。在縣北八十里。射爐山。在縣西二十五里。山形如香爐。射兜山。在縣東南七十二里。石湖山。在陸川縣西北三十里。上有一湖。水深一丈。春冬不竭。因名。寰宇記。石袍山。山多竹木。葱翠如袍。山有肉翅虎。下山食人。食訖即飛。還龍嶺。元一統志。雞籠山。在陸川縣。方輿志云。在縣界。博白縣。鬱林志。紫陽岩山。在縣西南七十里。懸崖臨江。內有一石室。太守劉崇遠造鐵佛于內。至今跡尤存焉。盤龍山。在縣城南九十里。望之如青龍盤礴而卧也。郡縣志。洞房山。在縣東一十里。紀勝。深洞如房。伏割山。在縣西四十里。多鸚鵡孔雀象獸。山下有伏割村。因此為名。鬱林志。双角山。在縣城西十五里。遠望如童子帽。双髻焉。元一統志。飛雲山。在博

白赫西六十里。山勢崇峻。中有巨石。有大人跡。又有石函。恒有蛇。夜出光焉。傳白志云。房山。在傳白縣東一十里。舊圖經云。深洞如房。因名。郡縣志。黃茅山。在縣東南二十里。元一統志。周羅山。在傳白縣界。舊因此山名縣。又有周羅水。大荒山。在傳白縣南。舊圖經云。山高四百仞。周圍五十里。上有深池。蜚泉。相傳池中有婢妾魚。大如猪。兩翼。連臍。下有三條。俱練帶。長四尺。搖動有光。人不可取。山多奇華。或取之者。皆迷失道。有廟。今存。郡縣志。射浮山。在縣東南二十五里。射寨山。在縣南三十五里。射當山。在縣東南一百二十里。騎馬山。在縣西二十里。傳白山。寰宇記云。在邑界。石穴石山。在縣南四十里。輿地紀勝。鳳飛山。在傳白縣。昔有鳳飛集其上。元一統志。宴石山。在傳白縣西南六十里。其山皆盤石。而壁立峭絕。北臨大江。中有流泉。噴激。有二石。寰宇記云。昔越王燕處。郡縣志。凝霧山。在縣東南二十五里。舊傳山上多凝霧。因以為名。元一統志。黃白山。在傳白縣東南二十里。傳白志云。鳳凰山。傳白志云。在傳白縣西九十里。有錦雞。肖鳳。故名。郡縣志。陵青山。在縣南三十里。產竹木。舊有將軍穴。在山內。出溫湯泉。冬夏常溫。溉田五十餘頃。元一統志。金魚山。在傳白縣南三十五里。傳白志云。郡縣志。射半山。在縣東二十里。上山煙霧。溟濛。則有雨。遇旱。禱之多應。元一統志。八將山。在傳白縣。八峯攢立。因名。鍾山。詳定九域志云。在傳白縣。傳白志亦云。獨蓮山。詳定九域志云。山池中。有蓮。因名。大幕山。在傳白縣。舊經云。山產薺木。羅布。六熊山。在傳白縣。昔有六熊居其上。因名。傳白志。紀勝。並云。萬綠山。在傳白縣西北二十五里。

興業縣。元一統志。萬石山。在興業縣西五十里。其石山壘。落成萬塊。因以為名。鬱林志。葵山。在縣之西北一十五里。其山峯石玲瓏。遙望如葵花。故為名。北斗山。在縣之西北一十里。其山七峯高聳。如斗柄。故名焉。東斗山。在縣東北一十五里。其山峯巒。歷歷。狀若東斗焉。元一統志。在今興業縣。舊州東十二里。又北斗山。在舊州西北一十里。鬱林志。白馬山。在縣之東五十里。有石巖。深一十丈。廣二丈。鄉人祈禱。遂詣此地。其山像馬形。因其名曰白馬山。東平山。在縣之東四里。練岡山。在縣之南一十里。南門山。在縣之南一里。鐵城山。在縣南五里。其山週圍環遠。峭壁如鐵。實。色天成之鐵甕城也。元一統志。鐵圍山。在興業縣南五里。舊經云。有四門。東門。砌石。路通人行。中有礮石。上有二牛跡。深三分。長二尺。其中巖。實深。泉流不涸。南門。山半有土基。一湖。四五丈。俗傳古

之敵樓西北二門多石山。少林木。陰闇如夜。不通人行。猿獠麋鹿。來往其間。據經所載。即古之鐵城。往昔州治遺基尚存。唐書清末。審長真據鬱林。叛。或者疑即此山也。蔡條生父京。累貶白州。嘗遊息于此。作鐵圍山叢談。及國史補。釋氏經文多云鐵圍山。為地獄所在。曾搏信筆錄云。紹興二十七八年間。廣西憲臺屬官。代巡按過此。向晚路迷。有人引至深谷。有官府拷訊罪囚一。衣紫金帶。窠頭而立。旁有語者云。此秦檜也。屬官進揖。則云西憲事發。君歸為言。作大功德。屬官忽得路而回。適滿杖過金陵。至檜家言之。檜妻王氏驚曰。西憲即太師破柑處。議殺岳飛也。未幾王氏亦下世。按王質所作嘉話錄。則云湖湘間事。搏云鐵圍山是也。中平山。在興業縣東南四里。輿地紀勝云。

岑溪縣。元一統志。馬頭嶺。在岑溪縣。輿地紀勝高城山。在岑溪縣。元一統志大富嶺。在岑溪縣。登高嶺。在岑溪縣。

藤縣。古藤志。白藤嶺。當要路。在州南一百里。嶺高侵雲。路逕崎嶇。

容縣。容州志。西山嶺。當要路。在州西。高險往來。車馬艱難。三紐嶺。在州南。地屬僂儀里。通高州信宜縣。其路曲折崎嶇。往來病馬。輿地紀勝寶子嶺。在州後。架亭其上。四望平遠。元一統志玄武嶺。在普寧縣北二里。一

號北靈山。

陸川縣。郡縣志。佛子嶺。在縣東北四十里。上有古佛塔。

博白縣。元一統志。綠秀嶺。在博白縣南五十里。舊圖經云。山高四百餘仞。周圍二百八十里。林泉松竹。青蔥香絕。因名。下有深潭。潭側有龍母惠濟夫人廟。

容縣輿地紀勝。獨繡峰。寰宇記云。在普寧縣。

本府。蒼梧志。鶴奔崗。在州西一里。隔桂水。按舊經。漢太守劉曜常鑿斷崗脊。有雙鶴飛去。因以名之。朝臺崗。在州北三里。按經宋范曄築臺山上。每正朔。則率僚屬登臺而拜。

藤縣。元一統志。赤水峽。在鐔津縣。波羅峽。在普寧縣東。

容縣。元一統志。白沙洞。在北流縣東一十五里。吳元美記云。此洞東炬從竇入。俯偃扶伏。凡經六七竇。每過益寬。而所見益奇。行里餘。乃至中洞。千態傾狀。不可殫盡。勾漏甲天下。而此洞為勾漏之次。玉虛洞。吳元美記。此峯有念經觀。衡二名。皆不雅傳。輒更之為玉虛堂洞云。玉田洞。吳元美記云。洞在韜真觀之西。巫山寨之北。緣石棧行百餘步。傾側而入。乃至石田。予謂此正仙人種玉處。遂更名玉田洞。寶圭洞。在勾漏山。繇道觀

後北行二百步。山如倚屏。門闕象魏。大榜其上。曰勾漏山寶圭洞。此葛仙修煉之所也。

蒼梧縣。元一統志。龍巖。距州城一百二十里。龍蟠村。高數十丈。周四百餘丈。窺見天。傍有三石門。中有寺。伏龍巖。距州東五十里。昔李上坐修行之地。郡志。斑石巖。輿地志。廣信縣東有孤岩。岩有斑石。皆五色。

藤縣。古藤志。李白巖。在赤水峽南。高五十餘丈。下瞰深淵。岩深闊丈餘。頂竅上通。日光下射。煥然可愛。岩傍舊有廣惠禪寺。世傳以為謫仙嘗寓寺中。讀書岩上。故名。

鬱林州。元一統志。隱仙巖。去南流縣一里有石室幽邃。相傳昔有仙人隱於其中。上有元和十四子來游字。餘不可考。

北流縣。元一統志。普照巖。在北流縣北一十里。吳元美十洞記云。距韜真山如覆釜。登巖却顧。則黃坡翠嶽。與石峯相間。歷歷落落。尤可觀也。入洞仰視。則玉山。上京不可階升。月夜扁舟於千巖萬壑中。與玩珍無異。其中仙壇佛塔。低昂交錯。靈幡寶幢。霓裳羽衣。皆儼儼飛動。不知雕篆之奇。繪繡之工。果誰為之也。獨秀巖。在北流縣西。吳元美記云。度普照巖而西。平野中鬱然孤峙者。獨秀巖也。洞門宏邃。古木蕭森。與韜真山抗衡。室

中可容數千人。石乳掛壁上。如彌陀大士像。寰宇記又云。獨秀峯在普寧縣也。

博白縣。輿地紀勝。紫陽巖。在博白縣。有劉崇遠所造鐵像。

藤縣。古藤志。登嶼。在谷山前中流。崔嵬蒼翠。巖然若螺髻。亦佳山也。

容縣。容州志。白石洞天。山在州西北一百六十五里。高二百丈。周迴二百里。景致非凡。皆神仙三十六洞天之數內。前宋竇冠農智高亂。借撥上林鄉與潯州。元朝抄籍。上司以籍為定。因隸焉。洞名瓊秀長真之天。勾漏洞天。天下洞天凡三十有六。容南在鬼門內。一郡而得三焉。南都嶠西。勾漏矗立。山之西去郡一里而近。古銅州也。平川中石峯千百。皆矗立特起。周迴三十里。其岩穴多勾曲穿漏。故是名。予足跡半天下。所閱名山多矣。卓絕雄傑。鮮或儼此者。愛而不可已。列為十圖。置諸座右。朝夕自其外。而想其內。外所見者。毫楮可及。然特髻鬢一二耳。若三洞中所有。須至自知之。譬如乾坤容日月之光。安可繪畫也。元一統志。鬼門關。舊唐書云。在北流縣之南。有兩石相對。俗號鬼門關。漢伏波將軍馬援討林邑。鑿路由此。立碑石。龜尚在。昔特趨交趾。皆由此關。其南尤多瘴癘。去者罕得生還。諺曰。鬼門關。十八去。九不還。唐李德裕貶崖州。經此賦詩曰。一去一萬里。

十知千不還。崖州在何處。生度鬼門關。歐陽修歸田錄。載僧惠崇送遷客詩云。浪經蛟浦闊。山入鬼門寒。東坡蘇軾。自海南回過此。有詩云。天涯已慣經人目。歸路猶欣過鬼門。

容縣。容州志。雙女石。在本州西南。相去五十里。昔北流舊為銅州。去銅州之南五里。地名洞石里。有一富民二女。長者年方十七八。次者未笄。少有異志。以孝事父母。以悌事族黨。雖男子有不若。每遇蚕常採桑洞石山之側。常以一女奴相從。但以女工自樂。罔有它念。九里巷有來與其父母議親者。其女則拒之。忽一歲。父母以其逼暮景。有女未適。遂審欲以二女娶同里陳趙二家。語不密。為女所切知。迨結婚日。二女沐浴告其母語。以採桑。乃登洞石山。遂立化為二石。如人形。其母往追之。但見一女奴立于二石之傍。詢之。為二女俱化為石矣。於是名焉。郡守廬陵胡觀謹記。濯櫻石。在州西南三里大江之濱。容州距城三里外。其三洞天。足多勝景。惟附郭近地。絕難得遊賞之所。暇日因投園尋城西。誼石岸。地有滄浪石。橫江枕流。形如紫玉。其平如砥。可坐數客。中間有罅。漏形如紫玉。鑄隱於石面。洗去沙石。如舉幕焉。受酒數斗。以酌賓僚。回環盤繞。踞坐而飲。自古至今。未有發揚者。因循父老。詰名石之由。莫知所以。坐客意嫌其名不足。稱且

永樂大典卷二十三首單

八

欲更之。予見其水色清平。波光如練。深不可測。躊躇之間。信步石砥。引至中流。不覺取纓就濯。因名濯纓石。葦葦亭于江。詩扁額曰滄浪亭。酒酣夜月浸潭。寒星沉水。南山峙直。森環坐左右。若從侍上仙。宴蓬島。清興不復過此。因成詩呈都嶠山翁。以召來者云。紹興癸酉。下元日。吳郡守記。元一統志。在州城西。金風門外。枕溪有亭。亭下有石。石溝詰曲。水流其間。可汎羽觴。邦人因之而楔焉。

岑溪縣。古藤志。葛仙試劍石。在岑溪縣東五里。傍有巨人跡。曰仙跡。世傳以為旬漏。令洪煉真之所。

藤縣。古藤志。石壁。在南山下。臨江高十餘丈。若赤壁釣臺之狀。上有大松。清致可愛。又曰松崖。

本府。蒼梧志。大江水。在城南一百步。源出朗寧郡。流至潯郡。合象郡水。下至感義郡。入會善寧江。至蒼梧郡。合桂水。東流二十里。復合賀水。至封。晉康高要郡。抵番禺。入于廣海。漢武帝元鼎五年。使馳義使。因巴蜀罪人發夜郎兵。下牂牁江。會番禺。即此江也。東安水。在州北四十五里。南流二百五十里。入封州。元一統志。去州東北三十里。自賀州界上。水山發源。合賀江。流出封州。元一統志。多賢水。在州城北二十里。自郡之多賢。椰發源。

流入桂江。蒼梧志江簡水。出戎城鎮弄山。北流一百三十里入大江。峽山水。在州北二里。南流合桂水入大江。雷水。出戎城鎮思忌山下。北流一百二十五里入大江。元一統志圖經云。出戎城縣。縣併入蒼梧縣。今去州城三十里。自郡之須羅鄉發源。流入西海。鬱水。在州南去城二十里。自郡之須羅鄉發源。流入西江。龍江水。在州北一百二十里。自多賢鄉黃洞村發源。流出江。平琴水。在州西去城六十里。自藤州隨化洞發源。流入西江。

岑溪縣。輿地紀勝龍驤水。寰宇記云。在故南儀州。昔龍驤將軍陳隱鎮此。故名焉。

容縣。容州志綠藍水。其源出綠藍山。通落桑水與繡江合流。咸平六年。轉運使馮琦。議於上。流置堰。合蔚林妙林江。以便差由運。此後為其水源。流淺小。於內又有大石多攔碍。難通舟楫。景德二年。運使舒資奏廢。繡江水。其源自峩石鄉。思賀水。經北流普寧。與渭龍水合。桑七十石。舟東歷藤梧。至番禺入于海。渭龍水。其源出自本州羅面里天塘山。其山周圍貳百壹拾三里。高八十餘丈。山脚皆土。竹木交廣。上乃聚成一塘。周環二里。結盛木。水從石竅流出。流至山下。分作九支小河。一支向北流。一支向羅

永樂大典卷二千三百四

龍里。一支向峩石波德里。一支向凌水。一支向古鄧里。一支向高涼。一支向慶洞村。一支向都代村。一支向六王村。一支向六霍村。皆聚渭龍入繡江。其源塘連雨不漲。極旱不乾。是名天塘。郡志崑崙水。金溪水。漳江水。並在縣界。方輿記。屈夾水。橋漏水。思路水。尋遂水。雙板水。思隴水。降峒水。並在縣東七十九里。據圖經下同。五里水。七里水。感水。西岡水。落桑水。並在縣西三十八里。乎潭水。十里水。塘雜水。高。都大水。石田水。並在縣東南五十八里。思嫩水。韶山水。容木水。峒山水。橋林水。佛子水。羅候水。濁水。南焊水。南界水。羅仲水。僥儀水。並在縣南九十六里。都隴小水。在縣東北二十五里。淶祿小水。在縣西北二十八里。茶峒小水。在縣東二十里。波德小水。在縣東七十里。盧樓小水。在縣南六十里。牢馬小水。在縣西北二十七里。峽堂小水。在縣西三十里。懷集縣。元一統志懷水。在懷集縣北。源出馬寧水。游水。在懷集縣西南三里。泉源湧源。與懷水相合。鬱林州。輿地紀勝潭禮水。元和志在故牢州宕川縣東五里。方輿勝覽宕川水。在故牢州定川縣。

北流縣。郡縣志射甕源水。在縣南七十五里。源出射甕山。流入化州。佛子嶺水。在縣北三十里。源出佛子嶺。出白州。佛子嶺源水。在縣南六十里。源出佛子嶺。入化州。蕭韶山水。在縣南七十五里。源出蕭韶山。入化州。龍化水。方輿記云。在縣界。元一統志障江水。在普寧縣界。瀘宕水。元和志云。在古牢州宕川縣向北二里。輿地紀勝云。今屬南流縣。陸川縣。輿地紀勝盧越水。寰宇記云。在陸川縣。亦名靈溪水。在邑界。元一統志崑崙水。在陸川縣東。水中有石肖崑崙。九域志云。崑崙水都嶠山。即洞天之一也。輿地紀勝龍化水。輿地廣記云。在陸川縣。博白縣。郡縣志博白水。在縣南二十里。自縣界緣秀嶺。東流南入大江。有清水灣。南流水。在縣西北三里。鍾弄水。在縣南六十里。入江。浪平水。在縣西二十里。水源出綠珠江。流合大江。南立水。在縣北三十里。源出綠澄洞。南流入大江。陵馬水。在縣西南二十里。源出縣界。流入江。本府蒼梧志桂江。在子城西五十步。出靜江始安郡全義縣南海陽山。入靈渠。下合郡漓水。經由昭潭。入蒼梧郡。合大江。東入于海。按南粵志。灘水出其陽。東南入廣信縣。三江。按郡國志。立州有未立臨水。南枕廣江。右帶蔚林江。謂之三江口。後漢陳雅升為太守。常釣魚于此。

水集卷之三十三

十

蒼梧縣。元一統志銅石江。郡之江水也。又有倒銅江。亦郡之江也。太平寰宇記倒銅江。皆郡邑之江水也。元一統志西安江。思良江。在州北二十里。亦名多賢水。其中鱈魚狀如鼉。有四足。長者二丈。皮如鱧魚鱗。南方謂之鱈魚。亦以為鮓。口長七寸。兩邊生齒如鋸。恒在山澗伺鹿。亦能咬人。故谷汲者。往往遇害。乳於沙上。卵如鴨卵。或白或赤。亦可食。死後頭骨枯。牙齒朽落。隨更生。如此一歲一生。骨朽爛都盡則已。蒼梧志。及寰宇記云。郡縣志大江。在城南一百步。源出聖祖石。虛堂切。寧郡。合桂水。東流抵番禺。入于海。漢元鼎五年。使馳義侯。因巴蜀罪人。假夜即兵。下牂牁江。會番禺郡。即此江也。輿地紀勝始安江。在廣信縣南。接孟陵水六十里。北接臨賀富川三縣。南則廣江。西則始安江。左帶鬱林江。謂之三江口。北有通星山。思良江。元一統志西江。在州南一百步。源出祥柯。至潯合象水。又會容江。至本路合桂水。東流三十里。復合賀江。是為三江口。經封德慶。肇慶。入于海。元和郡國志云。州有未立臨水。南枕廣江。左帶鬱江。謂之三江口。蒼梧志云。亦名始安江。在廣信縣。廣信今之州治也。

岑溪縣。古藤志皇華江。自岑溪縣山谷中出。西流與榜江合。本小溪澗。止可容舫。世傳以為孝子祠。燬于隋。有石碑記其本末。沒于是水。人往往求

永樂大典

卷三三四〇

之。輒風雨晦冥。李衛公靖奉使南。聞其異。往求之。弗獲。江於是乎名。輿地紀勝。鬱江。即鍾鬱江。源自辰州之鍾嶺。

藤縣。古藤志。鬱江。在州治北。其源自雲南交趾左右江出。由邕潯而東下。流入廣東。達于海。舊志。載唐武德初。安撫使某。有神劍躍水。如延平事。因名曰劍水。曰鍾津。元一統志。鍾鬱江。在州城下。源出辰州鍾嶺。流過本州。與

大江合。繡江。在州治之西。源自容州來。經本州東城南隅。與鬱江合。順流至梧州。入于海。丁大全由內璫董宋臣。進為宰相。姦凶負國。景定元年。初。貶南安軍。明年。貶貴州。是年。移新州。四年正月九日。舟行至此。溺死。

濠江。在州之北。其源自昭州立山縣來。經鍾津縣寧風鄉。至古鸞州地。與潯江合。潯江。即鍾江也。在州之鍾津縣北。源出辰州鍾嶺。西流。經過本州

會廣州。入于海。容江。在鍾津縣。懷江。自高州信宜縣界來。經鍾津縣。至平潯村。與容江合流。劍江。在鍾津縣。感義江。在鍾津縣。瘴江。在

鍾津縣東南。寰宇記云。俗呼潯江。自鸞州入永平縣。

容縣。郡縣志。思羅江。並在縣北六十里。方輿勝覽。容江。在普寧縣。郡國志。即馬援所謂仰視飛禽。跼跼墮水中者是也。元一統志。繡江。亦名容江。在

普寧縣。其源自北流縣峨石鄉。思賀山。經出北流。入于普寧縣界。與會龍

水合。勝七十石。舟東會于郡。又東。過藤梧。至番禺。入于海。

懷集縣。昭潭志。懷江兩源。一出武城。一出慈樂。至林村水口。合流為一。過縣東。流至五羊。入于海。

鬱林州。鬱林志。南流江。其源從容州大容山白馬灣湧出。經至廟林橋。遂下本州。與紫泉之源相接。下流過安遠橋。至辛倉。通舟。迤運廣海鹽課。直

抵石康。廉州府。入于海。元一統志。南流大江。在州南。去南流縣二百步。源自容州北流縣。凌城。擲大容山。流出。經本州南門外。至廉州石康縣。合入

海。歲通舟楫。來往運海。北海南鹽課。至南新倉。交卸。

北流縣。郡縣志。羅望江。在縣西南五里。源出縣東那山下。東北入牢江。牢江。在縣西南二百一十步。來自容州北流縣界。二百里。入傳白縣界。

元一統志。定川江。在古牢州定川縣。今屬南流縣。

傳白縣。鬱林志。大江。源流出自容州大容山下。逶迤。至于廉州石康縣。馬門灘。在縣西南。漢馬援征交趾。過此。舟楫不通。乃鑿其石。取流。因以為名。太平寰宇記。綠珠江。嶺表錄云。白州界。又有一派水。出自雙角山。合容州江。呼為綠珠江。亦猶歸州有昭君村。蓋取美人生處為名矣。

興業縣。郡縣志。小江。在縣西南。下入南流縣牢江。

蒼梧縣元一統志赤溪在大江之西有茂林脩竹小橋流水之勝傍有古寺與李白讀書臺相對

岑溪縣元一統志岑溪在岑溪縣界縣因此溪而取名

鬱林州輿地紀勝周羅漢元和志在白州周羅縣

陸川縣輿地紀勝羅漢漢寰宇記云在陸川縣皆在郡邑金溪寰宇記

云在陸川縣水中嘗出金

博白縣元一統志博白溪輿地廣記云在博白縣又有博白山蔡條國史

補及日錄亦云

容縣郡縣志思燈河

本府蒼梧志水泉在城東二里出于山下廣三尺深五尺澄湛不涸味甘

郡人瓶縷相繼往取是泉唐大曆三年容州刺史兼經畧使元結過郡自

之曰水泉乃撰銘序勒于崗石紹興三十年知州任通真開為雙井就建

羅漢寺于其上寰宇記蒼梧郡城東二里有泉焉出在郭中清而甘寒

若冰在盛夏之候蒼梧之人得救渴泉與火山相對故命之曰冰泉以變

舊俗銘曰火山無火冰泉無冰火山水井甘寒可飲鑄金磨石篆刻此銘

置之泉上彰厥後生

水泉真卷二十三

十二

藤縣古藤志桂山泉在州東山東下自石竇中出色白如乳味甘若飴最

宜釀酒清味倍於他水注玉泉在州城西南間涌水味清冷甘香可愛

取大虛泉賦晨夜有聲涵雲注玉之語郡縣志赤泉在縣界

鬱林州鬱林志瑞泉在州之南有一岩竇於石罅湧水晝夜不息冬溫夏

冽或者出於紫水混混不竭至治辛酉歲監察御史張思敬經此遂大書

瑞泉二字勒于碑至今存焉方輿勝覽濯纓泉即城南江邊石井

陸川縣容州郡志溫泉有二處一處出自本州羅面里馮村一竅溫一竅

極熱一處出自陸川縣文廟前元一統志在陸川縣東南二里四季常溫

興業縣輿地紀勝博泉在興業縣南二十里偽廣封其神曰龍母夫人皇

朝熙寧八年封惠濟夫人有廟存焉

本府蒼梧志七里洲亦名浮洲在州東七里大江心高十丈林木蔚然舊

傳云昔壬申歲江水大漲里民雖居堊垣亦遭漂蕩而洲在江心獨不淪

溺故俗為浮洲今號繫龍洲思恨長洲在州西二十里大江心民居數

十餘戶地饒甘蔗

蒼梧縣元一統志長洲在州西七里潯江心對戎城周回六十里闊五里

有居人百餘家多以獮酒為業里諺云郡中甘橘多焉里蠶所食人家買

黃蟻投於樹上。因相聞黑蟻死。甘橘遂成。蒼梧舊志。及寰宇記云。蒼梧志。思化洲。在州西二十五里。大江心。民居數十餘戶。地產甘蔗。圓洲。在州西四十里。大江心。輿地紀勝繫龍洲。距州七里。亦名七里洲。林木深秀。鷗鷺翔集。秋潦至。淤漫際山而洲不沒。亦名浮洲。

藤縣。古藤志。鴨兒灘。在還淳門南三里。灘石高險。春夏水漲無患。將軍灘。在州城東北角。中有三石。水落則險。石城灘。在寶家寨南上二里。橫截中流。如城垣。水漲無患。

容縣。容州志。下水迷門灘。柯木灘。馬場灘。並水漲險惡。上水區公灘。屈夾灘。大虫跳。並水漲險惡。

博白縣。郡縣志。北戍灘。在縣西南一百里。馬門灘之下。唐咸通末。安南都護高駢既平蠻。詔歸闕。自海路由合浦而上。經是灘。峻險不可行。又中伏。巨石駢因。留俸錢遺海門防遏使楊俊營治之。至今舟楫通行。人無艱阻。乾符中。俊立碑以記其事。碑今存焉。馬門灘。在州南六十五里。漢伏波將軍馬援南征過此。以江流迅激。舟楫不通。乃疏鑿盡去頑石。餘二巨石。雙立若門。因謂之馬門。或云灘水迅瀉。疾如奔馬。因名之。岸澗有馬援廟。舟人經由。祈之必應。元一統志。北風灘。在博白縣。昔高駢平蠻。取海道。

永樂大典卷三三三

由合浦而歸。見其湍險。囑防遏使流治之。人賴其利。輿地紀勝云。郡縣志。銅鼓潭。在縣北二十里。傍有山石。舊經云。昔有水神持銅鼓四尺。浮水擊之。聲駭村落。鄉人相與聚觀。至暮沉水。遂不復見。因以銅鼓為名。

本府。蒼梧志。放生池。在子城東一百五十步。長一里。闊一百八十步。按郡國志云。池中多鱖魚。有四足。死後頭骨牙齒朽落。至五月後更生。骨盡乃止。輿地紀勝。鱖魚池。搜神記云。扶南王范尋嘗養鱖魚十頭。若犯罪者。投與鱖魚。不噬者乃赦之。無罪者皆不噬。

岑溪縣。古藤志。葛仙井。在岑溪縣東五里。井水甘冽。世傳以為葛仙煉丹之處。

容縣。容州郡志。聖井。在北流縣勾漏洞前官道南。按舊說。楊大真父除瓊帥。夏月赴任。經此井。見其泉水清潔如脂粉。刺配者澡浴。靨青皆去。後朝廷聞知封禁。故基石塔。名跡猶存。元一統志。楊妃井。在普寧縣東七十步。舊登營地。

藤縣。古藤志。龍巷。在州北中流。長數十丈。兩畔高峻。中低若巷陌。有石壇。可坐數人。騷人墨客。每俟水盡則遊之。魚影在赤水峽。因底有怪石如魚狀。鯉魚常數百鱗叢居之。大為漁者之利。

永樂大典卷之二千三百四十

永樂大典卷之二千三百四十

十四